



Predmet br. IT-95-5/18-T
Tužilac protiv Radovana Karadžića

JAVNO

ODLUKA

SEKRETAR SUDA,

IMAJUĆI U VIDU Statut Međunarodnog suda, koji je Savjet bezbjednosti usvojio Rezolucijom 827 (1993.), s naknadnim izmjenama i dopunama (dalje u tekstu: Statut), a posebno članove 20 i 21 Statuta;

IMAJUĆI U VIDU Pravilnik o postupku i dokazima, koji je Međunarodni sud usvojio 11. februara 1994., s naknadnim izmjenama i dopunama (dalje u tekstu Pravilnik), a posebno pravila 44, 45 i 45^{ter} Pravilnika;

IMAJUĆI U VIDU Uputstvo za dodjelu branioca po službenoj dužnosti, koje je Međunarodni sud usvojio 28. jula 1994., s naknadnim izmjenama i dopunama (dalje u tekstu: Uputstvo), a posebno članove 14, 16 i 23 Uputstva;

IMAJUĆI U VIDU Profesionalni kodeks branilaca koji postupaju pred Međunarodnim sudom (IT/125 REV.3) (dalje u tekstu: Kodeks);

IMAJUĆI U VIDU da je g. Radovan Karadžić (dalje u tekstu: optuženi) doveden u sjedište Međunarodnog suda 30. jula 2008. i da je, u svom dopisu Sekretarijatu od 4. avgusta 2008., optuženi izjavio da namjerava da se sam zastupa pred Međunarodnim sudom, što je ponovio prilikom svog prvog stupanja pred Sud 31. jula 2008. i daljnjih stupanja pred Sud održanih 29. avgusta 2008. i 3. marta 2009.;

IMAJUĆI U VIDU da je, na statusnoj konferenciji održanoj 8. septembra 2009., pretpretresni sudija izjavio da je Pretresno vijeće utvrdilo da je odgovarajući datum za početak suđenja optuženom 19. oktobar 2009.;

IMAJUĆI U VIDU da je optuženi 25. septembra 2009. uložio žalbu na Odluku Pretresnog vijeća kojom je kao datum početka suđenja utvrđen 19. oktobar 2009. i da je Žalbeno vijeće 13. oktobra 2009. donijelo odluku o početku suđenja i naložilo Pretresnom vijeću da početak suđenja odgodi do isteka jedne sedmice nakon što tužilaštvo dostavi označenu Optužnicu za koju mu je na pretpretresnoj konferenciji 6. oktobra 2009 naloženo da je mora podnijeti;

IMAJUĆI U VIDU da je Pretresno vijeće 14. oktobra 2009. izdalo Nalog o rasporedu, kojim je naložilo da suđenje počne 26. oktobra 2009.;

IMAJUĆI U VIDU da je optuženi 21. oktobra 2009. podnio "Podnesak u vezi s početkom suđenja", izjavljujući da se 26. oktobra 2009. neće pojaviti na zakazanom početku suđenja s obzirom na činjenicu da odbrana nije spremna za suđenje;

IMAJUĆI U VIDU da je pretresni postupak otvoren 26. oktobra 2009. u odsustvu optuženog, i da je optuženi 27. oktobra 2009. ponovo odsustvovao sa suđenja;

IMAJUĆI U VIDU da je, tokom suđenja 27. oktobra 2009., predsjedavajući sudija izjavio da, ukoliko optuženi nastavi da odbija da prisustvuje suđenju i ne bude prisustvovao pretresu zakazanom za 2. novembar 2009., Pretresno vijeće može odlučiti da nastavi suđenje u njegovom odsustvu ili da mu u interesu pravde dodijeli branioca na osnovu pravila 45ter Pravilnika;

IMAJUĆI U VIDU da je, tokom suđenja 27. oktobra 2009., predsjedavajući sudija pozvao optuženog i tužilaštvo da na pretresu 3. novembra 2009. iznesu usmene argumente u vezi s pitanjem kako bi suđenje moglo da se nastavi ako optuženi nastavi svojevrijedno odsustovati iz sudnice;

IMAJUĆI U VIDU da je optuženi 2. novembra 2009. ponovo bio odustan sa pretresnog postupka;

IMAJUĆI U VIDU da je optuženi prisustvovao pretresu održanom 3. novembra 2009., da je ponovio svoju tvrdnju da nije pripremljen za suđenje i razlozima za to i obavijestio Pretresno vijeće da neće prisustvovati suđenju dok se ne bude smatrao spremnim;

IMAJUĆI U VIDU da je 5. novembra 2009. Pretresno vijeće donijelo "Odluku o imenovanju branioca i nalog o daljnjem toku pretresnog postupka" (dalje u tekstu: Odluka od 5. novembra 2009.), u kojoj je, između ostalog:

1. U kratkim crtama iznijelo mjerodavno pravo i razloge iz kojih je odlučilo da optuženom dodijeli branioca;
2. Utvrdilo da će opštim interesima pravde najbolje poslužiti dodjela branioca;
3. Naložilo sekretaru da imenuje branioca kako bi se pripremio da zastupa interese optuženog na suđenju, ako to bude potrebno;
4. Naložilo da se suđenje nastavi u ponedjeljak, 1. marta 2010.

UZIMAJUĆI U OBZIR da su se predstavnici Sekretarijata sastali s optuženim kako bi ga obavijestili o praktičnim posljedicama Odluke od 5. novembra 2009. i utvrdili njegovu preferenciju između više advokata za koje je Sekretarijat ustanovio i da ispunjavaju uslove za dodjelu i da su na raspolaganju;

UZIMAJUĆI U OBZIR da je, tokom tog sastanka, optuženi zatražio od predstavnika Sekretarijata da organizuju njegove sastanke s advokatima sa spiska kako bi naznačio svoju preferenciju;

UZIMAJUĆI U OBZIR da, iako je Sekretarijat organizovao sastanke optuženog s braniocima sa spiska, optuženi nije naznačio svoju preferenciju;

UZIMAJUĆI U OBZIR da se član 16 Uputstva primjenjuje na braniocce imenovane da zastupaju interese nekog optuženog;

UZIMAJUĆI U OBZIR da je g. Richard Harvey, advokat iz Ujedinjenog Kraljevstva, obavijestio Sekretarijat o tome da stoji na raspolaganju i pristaje da postupa kao dodijeljeni branilac i pripremi se da zastupa interese optuženog na suđenju u skladu s Odlukom od 5. novembra 2009.;

UZIMAJUĆI U OBZIR da g. Harvey posjeduje kvalifikacije u skladu s pravilima 44 i 45 Pravilnika;

IMAJUĆI U VIDU da je g. Harvey ranije bio subranilac za g. Haradina Balu u predmetu *Tužilac protiv Limaja i drugih* (predmet br. IT-03-66), u kom je postupak okončan, i da je on trenutno glavni branilac g. Lahija Brahimaja u predmetu *Tužilac protiv Haradinaja i drugih* (predmet br. IT-04-84), u kom se očekuje donošenje presude Žalbenog vijeća.

UZIMAJUĆI U OBZIR da je Sekretarijat utvrdio da ne postoji nikakav sukob interesa kada je riječ o zastupanju g. Bale i g. Brahimaja od strane g. Harveya i njegovom imenovanju za branioca koji će zastupati interese optuženog na suđenju;

UZIMAJUĆI U OBZIR da je g. Brahimaj dao pismeni pristanak na to da g. Harvey bude imenovan za branioca u skladu s Odlukom od 5. novembra, nakon što je, u skladu sa članom 16(G) Uputstva, dobio nezavisni pravni savjet Sekretarijata po ovom pitanju;

OVIM ODLUČUJE u skladu s Odlukom od 5. novembra 2009. da imenuje g. Harveya za branioca kako bi se pripremio da zastupa interese optuženog na suđenju, pri čemu ova odluka stupa na snagu danom donošenja.

/potpis i pečat na originalu/
Ken Roberts,
zamjenik sekretara

Dana 19. novembra 2009.
U Haagu,
Nizozemska